



JABATAN PERKHIDMATAN VETERINAR

LAPORAN LIPUTAN MEDIA

Khamis, 8 Jun 2023

Isu kekurangan bekalan daging tidak berlaku -JPV

MEDIA	RUANGAN	MUKA SURAT
Utusan Malaysia	Dalam Negeri	29

Isu kekurangan bekalan daging tidak berlaku - JPV

PETALING JAYA: Pengguna tidak akan berdepan dengan isu kekurangan bekalan daging biarpun hanya sembilan daripada 27 negara yang disenaraikan sebagai Abatoir dan Loji Pemprosesan Luar Negara Yang Telah Diiktiraf Jabatan Perkhidmatan Veterinar (JPV), yang masih diiktiraf bagi pengimportan daging ruminan.

Dalam satu kenyataan kepada *Utusan Malaysia*, jabatan itu berkata, bukan semua 27 negara yang disenaraikan itu diluluskan untuk pengimportan daging ruminan.

Buat masa ini, katanya, hanya sembilan negara yang masih diiktiraf bagi pengimportan daging ruminan iaitu Australia, Argentina, Brazil, India, Korea, Pakistan, Jepun, New Zealand dan Amerika Syarikat.

"Afrika Selatan yang dahulunya diluluskan untuk pengimportan daging ruminan ke Malaysia kini sedang dalam penggantungan dan 18 lagi negara yang diluluskan adalah untuk pengimportan sama ada babi atau produk babi; tenusu atau produk tenusu; poultry atau produk poultry; produk telur; gelatin (mentah) dan bahan mentah makanan haiwan.

"Buat masa ini, terdapat 78 rumah sembelih ruminan luar negara diperakukan daripada sembilan negara yang diluluskan untuk eksport.

"Selain itu, terdapat juga rumah sembelih JPV dan rumah sembelih swasta yang berlesen di dalam negara. Justeru, JPV menjangkakan kekurangan bekalan daging tidak akan berlaku," katanya.

JPV berkata demikian sebagai maklum balas kepada laporan *Utusan Malaysia* bertajuk 'Daging import dari 19 negara tiada perakuan JPV' bertarikh 25 Mei lepas dan 'Pantau daging import dari negara tiada perakuan JPV' bertarikh 26 Mei lalu.

Mengulas lanjut, jabatan itu berkata, tempoh minimum selama enam bulan diberi kepada rumah sembelih atau loji pemprosesan yang memohon pengiktirafan untuk mengeksport ke Malaysia, tetapi tidak berjaya.

Katanya, ia bermula daripada maklum balas pihak berkuasa veterinar negara terlibat untuk memperbaiki prestasi serta mencapai piawaian yang ditetapkan oleh Malaysia dan boleh mengemukakan permohonan semula untuk pertimbangan JPV.

Anjing liar ancam pengunjung Pantai Chenang

MEDIA	RUANGAN	MUKA SURAT
Utusan Malaysia	Dalam Negeri	39

Anjing liar ancam pengunjung Pantai Chenang

LANGKAWI: Kemunculan sekumpulan anjing liar di sekitar pantai tumpuan pelancong di sini, mengundang rasa tidak selesa dalam kalangan pengunjung dan peniaga.

Tinjauan *Utusan Malaysia* di sekitar Pantai Chenang dan Pantai Tengah di sini mendapati, haiwan itu biasanya berkeliaran pada awal pagi.

Seorang penduduk yang hanya mahu dikenali sebagai Sophia, 43, berkata, dia pernah dikejar haiwan itu semasa beriadah di sekitar Pantai Tengah.

"Ketika itu saya sedang berjoging di sekitar pantai dan secara tiba-tiba sekumpulan anjing liar telah mengejar dan menggigit kaki saya.

"Saya telah melaporkan masalah anjing liar ini kepada Majlis Perbandaran Langkawi Bandaraya Pelancongan (MPLBP), tetapi ti-



ANJING liar yang berkeliaran di sekitar Pantai Chenang dan Pantai Tengah mengundang rasa kurang selamat pengunjung di Langkawi.

dak mengetahui sekiranya ada tindakan diambil," katanya.

Seorang pengusaha inap desa di Pantai Chenang, Mastazi Ah-

mad, 53, memberitahu, salah seekor kucing peliharaannya mati dipercayai akibat digigit anjing liar terbabit.

"Biasanya kawanan anjing liar ini bergerak pada awal pagi sebelum Subuh kerana saya pernah melihat lebih 10 ekor berke-

liaran ketika membuat kerja di sekitar kawasan ini.

"Anjing liar ini juga sering menggigit sampah yang telah diikat dan menyebabkan sampah itu berterabur di sekitar kawasan ini yang secara tidak langsung mencacatkan pemandangan," ujarnya.

Sementara itu, seorang pekerja perkhidmatan jet ski di Pantai Tengah, Malik Abdullah, 25, berkata, terdapat anjing yang berada di kawasan itu membantu menjaga jet ski yang diletakkan di situ.

"Anjing yang berada di sini biasanya tidak mengganggu orang dan turut menjaga jet ski yang diletakkan di sini.

"Tetapi apabila ada anjing liar dari kawasan lain yang masuk ke sini, ia akan menjadi agresif kerana dari kawanan berbeza," katanya.

Tiada subsidi ayam dan telur pada 1 Julai : Mat Sabu

MEDIA	RUANGAN	MUKA SURAT
Agenda Daily	-	online

Tiada lagi subsidi ayam dan telur pada 1 Julai: Mat Sabu



Menteri Pertanian dan Keselamatan Makanan, Mohamad Sabu mengesahkan tiada lagi subsidi ayam dan telur bermula 1 Julai depan.

Bermula 1 Julai depan, tiada lagi subsidi ayam dan telur daripada kerajaan, kata Menteri Pertanian dan Keterjaminan Makanan Datuk Seri Mohamad Sabu.

Menurut jawapan di Dewan Rakyat, subsidi ayam dan telur akan berakhir pada 30 Jun dan pengapungan harga bermula pada 1 Julai.

Mohamad atau dikenali Mat Sabu memaklumkan menerusi jawapan lisan menjawab pertanyaan kepada Ahli Parlimen Masjid Tanah Datuk Mas Ermeyati Samsudin (PN-Masjid Tanah) berhubung tempoh harga ayam dan telur akan diapung.

Mohamad berkata, penamatan tersebut bagi membolehkan Kementerian Perdagangan Dalam Negeri dan Kos Sara Hidup (KPDN) menilai serta mengawal harga barangan sama ada naik atau turun, berbanding harga siling runcit ketika ini.

Tambahnya, bagi memastikan bekalan ayam dan telur dapat distabilkan selepas subsidi ditamatkan, KPKM melaksanakan mekanisme “soft-landing” (pemulihan bertahap).

Beliau berkata, antara yang dilaksanakan ialah memansuhkan sekatan eksport ayam pedaging hidup kecuali “Day Old Chick” (DOC), ayam bulat, dan keratan ayam sepenuhnya serta membenarkan pengimportan ayam dan telur dari pelbagai negara sumber yang diiktiraf.

“Bagi pengimportan ayam, negara sumber yang dibenarkan termasuklah Thailand, China, Brazil, dan Denmark. Manakala bagi pengimportan telur, negara sumber yang dibenarkan ialah Thailand dan Ukraine,” katanya.

Selain itu, beliau berkata, kerajaan akan meneruskan program simpanan stok ayam bulat di bawah Lembaga Pertubuhan Peladang (LPP) dan program Program Jualan Agro Madani oleh Lembaga Pemasaran Pertanian Persekutuan (Fama).

“Program Jualan Agro Madani oleh Fama memasarkan pelbagai hasil pertanian termasuk telur, dengan harga 5 hingga 10% lebih rendah dari pasar basar setempat, terutamanya di kawasan kumpulan berpendapatan rendah.

“Sehingga 8 Mei 2023, sebanyak 28,078,620 biji telur telah diedarkan melalui 369 outlet FAMA,” katanya.

Mat Salleh King of Sado Charolis

MEDIA	RUANGAN	MUKA SURAT
Sinar Harian	Negeri Perak/Perlis	24



Kharul Anuar bersama replika cek dan piala yang dimenangkannya pada Himpunan Lembu Sado Utara 2.0.

Lembu seberat 1,009kg
itu muncul juara
keseluruhan Himpunan
Lembu Sado Utara 2.0

Oleh ROSHILA MURNI ROSLI
PADANG BESAR

Sseekor lembu jantan baka Charolis seberat 1,009 kilogram muncul juara keseluruhan Himpunan Lembu Sado Utara 2.0 yang diadakan baru-baru ini.

Pemilik lembu berkenaan, Mohd Khairul Anuar Mohd Nawī, 36, berkata, lembu kesayangannya itu turut memenangi kategori King Of Sado Charolis pada pertandingan terbabit.

Katanya, lembu yang diberi nama Mat Salleh itu dijaga sejak dilahirkan di ladang ternakannya di Jalan Kem Rimba Mas di sini empat tahun lalu. "Saya mula bawa Mat Salleh serai pertandingan pada tahun lalu ketika Hari Peladang, Penternak, dan Nelayan Negeri Perlis, masa tu



Khairul Anuar bersama Mat Salleh yang dipelihara sejak ia dilahirkan empat tahun lalu di ladang ternakannya di Jalan Kem Rimba Mas, Padang Besar.

Mat Salleh King Of Sado Charolis

pun dia dapat juara.

"Tahun ini saya cuba nasib bawa Mat Salleh masuk peringkat Utara mewakili Perlis, tak sangka pula kali ini menang besar," katanya ketika dihubungi di sini pada Rabu.

Menurutnya, pertandingan ini bukan yang terakhir buat Mat Salleh kerana dia masih 'mengintai' peluang-peluang lain pada masa hadapan.

"Insya-ALLAH kalau ada peluang lagi, saya teringin juga nak bawa lembu kesayangan ini ke pertandingan yang lebih besar seperti di peringkat kebangsaan," katanya.

Khairul Anuar berkata, dia turut mempunyai lima ekor lagi lembu daripada baka yang sama di ladang

ternakannya.

"Saya memang minat lembu jenis baka hibrid ini, mungkin akan datang nanti saya nak cari baka lain pula," katanya.

Ujarnya, terdapat juga individu yang merisik untuk membeli Mat Salleh, tetapi setakat ini belum ada tawaran yang kena dengan harga.

Dalam pertandingan terbabit, seekor lagi lembu milik Khairul Anuar iaitu Rem Rem yang berusia 11 bulan turut muncul juara bagi kategori Prince Of Sado Belgian Blue.

Selaku juara keseluruhan, Mohd Khairul membawa pulang piala dan wang tunai berjumlah RM2,500 dan RM1,000 bagi kategori Prince Of Sado Belgian Blue.

Chicken, egg price to be floated from July 1

MEDIA	RUANGAN	MUKA SURAT
Free Malaysia Today	-	online

Chicken, egg prices to be floated from July 1



Agriculture and food security minister Mohamad Sabu said the domestic trade and cost of living ministry will control the prices of chicken and eggs.

PETALING JAYA: Agriculture and food security minister Mohamad Sabu has confirmed that the price of eggs and chicken in the market will be floated from July 1.

In a written Dewan Rakyat reply, Mohamad said government subsidies for eggs and chickens would end after June 30, adding that the domestic trade and cost of living ministry would control the price of these two items.

“To ensure the supply of chicken and eggs in the market is stable after the subsidies end, the ministry will implement several soft-landing mechanisms,” he said.

This includes lifting the ban on exporting day-old chicks, whole chicken and chicken parts from July 1 and allowing the import of eggs and chicken from recognised source countries.

Source countries for importing chicken include Thailand, China, Brazil and Denmark, while eggs will only be imported from Thailand and Ukraine.

Mohamad said the ministry would continue stockpiling whole chicken under the Farmers’ Organization Authority, adding that 63% of the ministry’s target of 2,177 tonnes of whole chickens had been stored as of May 7.

He was replying to Mas Ermieyati Samsudin (PN-Masjid Tanah) who asked if the government had conducted a comprehensive study on the effects of this policy change.

In February, Mohamad said Putrajaya planned to float the price of eggs and chicken after June.

He had said then that subsidising chicken eggs until June would cost the government some RM1.28 billion.

The current retail price ceiling for a standard chicken is RM9.40 per kg while the price for eggs are: Grade A (45 sen per egg), Grade B (43 sen per egg) and Grade C (41 sen per egg) in the peninsula.

In Langkawi, Sabah, Sarawak and Labuan, the maximum price for both items differ, according to the respective zones and districts.

Meanwhile, Mohamad said RM347.4 billion worth of food was imported into Malaysia over the past six years, of which RM75.5 billion was imported last year alone.

Mohamad said China was the main source country for food imports, with RM41.3 billion in import value in that six-year period.

This was followed by Argentina (RM32 billion), Thailand (RM29.5 billion), India (RM26.6 billion) and Australia (RM22.5 billion).

Isu kekurangan bekalan daging tidak berlaku -JPV

MEDIA	RUANGAN	MUKA SURAT
Utusan online	Isu	online

Isu kekurangan bekalan daging tidak berlaku -JPV



Bab halal bukan hanya melibatkan sembelihan ayam dan daging tetapi semua jenis produk makanan waima yang dihasilkan oleh industri ataupun para peniaga kecil tempatan. – GAMBAR HIASAN

- 8 Jun 2023, 9:13 am

PETALING JAYA: Pengguna tidak akan berdepan dengan isu kekurangan bekalan [daging](#) biarpun hanya sembilan daripada 27 negara yang disenaraikan sebagai Abatoir dan Loji Pemprosesan Luar Negara Yang Telah Diiktiraf Jabatan Perkhidmatan Veterinar (JPV), yang masih diiktiraf bagi pengimportan daging ruminan.

Dalam satu kenyataan kepada Utusan Malaysia, jabatan itu berkata, bukan semua 27 negara yang disenaraikan itu diluluskan untuk pengimportan daging ruminan.

Buat masa ini, katanya, hanya sembilan negara yang masih diiktiraf bagi pengimportan daging ruminan iaitu Australia, Argentina, Brazil, India, Korea, Pakistan, Jepun, New Zealand dan Amerika Syarikat.

“Afrika Selatan yang dahulunya diluluskan untuk pengimportan daging ruminan ke Malaysia kini sedang dalam penggantungan dan 18 lagi negara yang diluluskan adalah untuk pengimportan sama ada babi atau produk babi; tenusu atau produk tenusu; poultry atau produk poultry; produk telur; gelatin (mentah) dan bahan mentah makanan haiwan.

“Buat masa ini, terdapat 78 rumah sembelih ruminan luar negara diperakukan daripada sembilan negara yang diluluskan untuk eksport.

“Selain itu, terdapat juga rumah sembelih JPV dan rumah sembelih swasta yang berlesen di dalam negara. Justeru, JPV menjangkakan kekurangan bekalan daging tidak akan berlaku,” katanya.

-TERIMA KASIH-

DISEDIAKAN OLEH :

**UNIT KOMUNIKASI KORPORAT (UKK)
JABATAN PERKHIDMATAN VETERINAR**